

Gvangjsih Minzcuz Bau

Cawiguenj: Gvangsijh Bouxcuengh Swcigih Minzcuz Cunghgvau Swvu Veijyenzei

Cawjbanh: Gvangsijh Minzcuz Bause

Geiz neix 8 bani

广西民族报 Aenhauh okbanj: CN45-0036

B.2025

Nd.12 Ng.10

Liggaeuq ietceih nienz ndwencib ngeih' it Geizsoq: Gungh daih 3697 geiz

Cinz Gangh: Comz Rengz Hong Cungdenj “Roek Aen It”, Aeu Gohgi Cauhmoq Dazyinx Gij Swnghcanjliz Rengzmoq Hwnghfat

12 nyied 5 hauh, Swcigih Dangjiveij suhgi, Swcigih Dangjiveij Cienzmienh Haeujlaeg Gaijgwz Veijyenzei cujyin, Swcigih Dangjiveij Gohgi Veijyenzei cujyin Cinz Gangh cujiz Aen Hoih Baez Daih Cibhaj Swcigih Dangjiveij Cienzmienh Haeujlaeg Gaijgwz Veijyenzei Nem Aen Hoih Baez Daihbet Swcigih Dangjiveij Gohgi Veijyenzei, cienmonz yenzgiu hong “haeujaeg gohgi diji gajgwz, aeu gohgi cauhamoq dazyinx, gij swnghcanjliz rengzmoq hwnghfat”, daegbied gangj daengz aeu haeujlaeg doekguh gij cingsaenz Ngeihcib Gaij Seiqcungh Cienzhohi Dangj, doekguh gij lwnghangj youqgaenj gohgi cauhamoq caeuq gij iugouz youqgaenj lwnghangj hong Gvangsijh Siz Ginbingz cungjsuhgi, ciuq Cibngeih Gaij Baez Cib' it Cienzhohi Swcigih Dangjiveij baijbouh, dawzmaenh saedguh dwg daeuz, cauhamoq guh hoenz, yungh cingzciik gangjvah, hawj bouxminz bingz, dawzmaenh miz mbanj guh, miz mbanj mbouj guh, haeujlaeg gyauyuz gohgi vunzcaiz caez gajgwz,

laebmaenh aen gihci diji hop ndei gohgi, canjniel, ginhyungz, doinyoengx gohgi cauhamoq caeuq canjniel cauhamoq doxyungz laegdaeuq, ciuq saed dingh geiq hwnghfat gij swnghcanjliz rengzmoq, gyavaiq hwnqguh aen Gvangsijh yienghmoq ndei, doinyoengx dieg minzcuz henzguck hwnghfat ndei saed hamjok yamqdin moq.

Aen hoih daegbied gangj daengz, cauhamoq dwg seizdaih itdingh aeu, cauhamoq dwg aen canloz guekgia, cauhamoq dwg diuzroen Gvangsijh. Seizneix caeuq coglaeng aen seiz ndeu, doinyoengx Gvangsijh gohgi cauhamoq dazyinx gij swnghcanjliz rengzmoq hwnghfat, aeu laebdin gij diuzgienh caeuq gijndei seizneix miz de, lai naemj guh baenz mbouj baenz, yienh' ok ca ndei banhfap, cingjhab, ciengzgingj, haenqrengz cienjvaq gohgi cauhamoq aen “bienqliengh youqgaenj” neix baenz gij “demliengh ceiq hung” hwnghfat ndei saed. Cungdenj ca ndei “roek aen it”: Laebhwnj laebcaez aen gihci boiqhab caez doihaeuj gyauyuz gohgi vunzcaiz

hwnghfat Swcigih Dangjiveij, buqcauw gij gazngaih diji “lai dieg guenleix, faensanq ok rengz”; bienguh mbaw dan diji cwngcwz moq gohgi cauhamoq yawjnaek swhyenz cingjhab, yungh ndei gijndei, dawzmaenh miz mbanj guh miz mbanj mbouj guh ndeu, ciuq aen yenzcwz “gaenj yungh dingh gonq, baenz aen doi aen”, hawj mbaw dan baenz gij roen doinyoengx Gvangsijh gohgi cauhamoq baenz yamq baenz yamq hwnghfat baenaj; cauhaeb aen diji gohgi cauhamoq dingcengj “Bwz Sang Gvangj yenzfat+Gvangsijh comzbaenz + Dunghmungz wngqyungh” , najdoiq Gvangsijh najdoiq Dunghmungz gak guek ndeu, haeujlaeg gohgi cauhamoq hailangh doxgap; cauhaeb aen gihci buedcienz gohgi cauhamoq aeu caizcwng, ginhyungz, hawciengz guh dingcengj caezcaemh ndeu, hopheux aen gvaengx youqgaenj Gvangsijh ginghci sevei hwnghfat, cib aen canjniel saeudingj yendaiva hangzcauhguh caeuq mizgven aen gvaengx it ngeih sam canjniel gyalai buedcienz yenzfat, gyaak gij yienghsaeh yenzfat;

cauhaeb aen diji cwngcwz vunzcaiz haeujcoengh cienzmienh cauhamoq ndeu, bang gemjmbaeu mbaqrap bouxvunz gohgi, bang bouxvunz gohgi cau aen seizgei ndaej hawciengz hoizbauq, laebhwnj guhcaez aen cidu sueng cingj bouxvunz gohyenz yaugi, yengi, guhbaenz gauhyau, yensoj, bingzdaiz, giyez vunzcaiz baedauq doengrat; cau aen swnghdai hailangh cauhamoq miz rengz doxceng ndeu, gaenx cau ndei gij vanzging hawciengz Gvangsijh, mwh caeuq Dunghmungz doxgap gyalai ciengzgingj haifat wngqyungh.

Aen hoih daegbied gangj daengz, aeu dawzmaenh coh “moq” byaij, baengh “ndei” ndaej hingz, comz rengz doekguh ca ndei hong cungdenj “roek aen it”, baenzroix doihaeuj hong gohgi cauhamoq, canjniel cauhamoq caeuq vunzcaiz cauhamoq, cien fueng bak geiq cienjvaq gijndei gohgi cauhamoq baenz gij cingzciik caensaed swnghcanjliz rengzmoq hwnghfat.

(daj 《Gvangsijh Yizbau》 aeu daeuj genj hoiz Cinz Yizcwz Loz Canghlieng)

Nanzningz Daengz Bingzsiengz Gauhdez Daengx Diuz Haidoeng Daehyinh

12 nyied 5 hauh 10 diemj 18 faen, aen ci baez D9668 haiok Camhdoeng Bingzsiengz, biugeiq Nanzningz daengz Bingzsiengz Gauhdez duenh Cungzcoj daengz Bingzsiengz hwnqbaenz doeng ci. Daengz seizneix, Nanzningz daengz Bingzsiengz Gauhdez daengx diuz haidoeng daehyinh, gauhdez cigsoh doeng daengz aen hawsingz goujan henzguck Cungguck Yeznanz.

Nanz Bingz Gauhdez duenh Cungz Bingz dwg aen hong hwnqguh guek ak roenloh ndaw aen gveihva “cibseiq haj” guekgia gyaak caeuq guek henzgyawj dox baedauq doxdoeng ndawde aen ndeu, hanghmoeg faen Nanzningz daengz Cungzcoj, Cungzcoj daengz Bingzsiengz song duenh guh, ndawde, duenh Nanzningz daengz Cungzcoj youq 2022 nienz 12 nyied haidoeng daehyinh gvaq. Bingz Nanz Gauhdez duenh Cungz Bingz baezneix haidoeng daehyinh hainduj dwg Camhnamz Cungzcoj, ginggvaq Cungzcoj Si, doeksat daengz Camhdoeng Bingzsiengz Bingzsiengz Si, roen raez 81 goengleix, dajveh haivaiq diemj cung 250 goengleix. Daengx diuz gungh laeb Cungzcoj Namz, Ningzmingz Doeng, Lungzcouh, Camhdoeng Bingzsiengz,

ndawde Camhnamz Cungzcoj dwg aen camh miz gvaq, gizyawz dwg aen camh guh moq. Ciuq cam rox, Nanz Bingz Gauhdez duenh Cungz Bingz ngamq haidoeng daehyinh, ngoenznaengz hai ci dungcehcuj 4 doiq, ndaej doeng daengz Liujcouh, Gveilinz, Bwzhaij doenghgi dieg neix, Nanzningz daengz Bingzsiengz ceiq vaiq 75 faen cung ndaej daengz, vaiq gvaq ci bujdungh 178 faen cung; Nanzningz daengz Ningzmingz Doeng, Lungzcouh ceiq vaiq faenbied 65 faen cung, 80 faen cung ndaej daengz.

Daengz seizneix, Gvangsijh gaenj miz 3 diuz dietloh doiqciep Dunghmungz. Nanz Bingz Gauhdez daengx diuz haidoeng daehyinh, doiq lai daezswng gij suiijingz Cungguck caeuq Dunghmungz guekgia dox baedauq doxdoeng, dajcauh diuz roen hung gozci lienziep Dunghmungz, cauqhuh aen dieg sang doxgap canjniel najdoiq Dunghmungz, fugsah guekgia doiqrog hailangh caeuq gizdieg doxgap bangrengz lailai, bang fugsah hwnqguh aen minghyinh caezcaemh Cungguck—Dunghmungz engq gaenjmaed gunghawj dingcengj rengzrwd.

(Sung Yauz Moz Yuzgez)



Lungzswng: Feihyiz Lai Yiengh Haeuj Ndawhag

12 nyied 5 hauh, Lungzswng Gak Cuz Swciyen Daihngaih Siujyoz cujiz guh gij yienghsaeh “Cunghvaz Minzcuz ranz vunz ndeu cienzswnj feihyiz nyinh sim lwgnyez”, cingj dangdieg gih, si, yienh gaep bouxcienzswnj miz daihyauj feihvuzciz vwnzva yizcanj haeuj ndawhag, hwnjdangz son hagseng dinfwngz feihyiz. Ndaw doz dwg bouxcienzswnj feihyiz cingq hwnjdangz son hagseng san doxgaiq.

(Banh Cisiengz ingj)